

PWYLLGOR ARCHWILIO

Cofnodion y cyfarfod a gynhaliwyd ar 5 Chwefror 2013

- YN BRESENNOL:** Cynghorydd Thomas H. Jones (Cadeirydd)
Cynghorydd Eric Roberts (Is-Gadeirydd)
- Y Cynghorwyr Vaughan Hughes, Jim Evans a Alun W Mummery
- WRTH LAW:** Prif Weithredwr
Pennaeth Swyddogaeth (Adnoddau)
Pennaeth Gwasanaeth (Cyllid)
Pennaeth Gwasanaeth (Polisi)
Rheolwr Archwilio (JF)
Cyfrifydd (Mr Ben Davies)
Swyddog Pwyllgor (ATH)
- YMDDIHEURIADAU:** Y Cynghorwyr Ieuan Williams a G O Jones
- HEFYD YN BRESENNOL:** Mrs Gill Lewis (Uwch Ymgynghorydd Cyllid), Andy Bruce (Swyddfa Archwilio Cymru), James Quance, (Uwch Reolwr Archwilio – PwC), Lynn Pamment (Partner Ymgysylltiad – PwC)

CYFLWYNIAD

Rhoddodd y Cadeirydd groeso i bawb oedd yn bresennol i'r cyfarfod hwn o'r Pwyllgor Archwilio ac estynnodd groeso arbennig i Miss Clare Williams i'w chyfarfod cyntaf o'r Pwyllgor Archwilio ers ei phenodiad yn Bennaeth Swyddogaeth (Adnoddau).

1 DATGANIAD O DDIDDORDEB

Ni dderbyniwyd unrhyw ddatganiad o ddiddordeb.

2 COFNODION CYFARFOD 12 RHAGFYR, 2012

Cyflwynwyd a chadarnhawyd fel rhai cywir gofnodion y cyfarfod blaenorol o'r Pwyllgor Archwilio a gynhaliwyd ar 12 Rhagfyr, 2012.

Materion yn codi –

- Mewn ymateb i gwestiwn gan Aelod, dywedodd y Pennaeth Gwasanaeth (Cyllid) wrth y Pwyllgor - oherwydd cyfyngiadau amser yn y cyfarfod o'r Ymddiriedolaeth Elusennol Ynys Môn a gynhaliwyd ar 24 Ionawr, roedd adroddiad y Pennaeth Gwasanaeth (Hamdden a Diwylliant) yn ymwneud a chyrhaeddiad a pherfformiad Oriol Ynys Môn yn 2011/12 wedi ei gyfeirio i is-bwyllgor o'r Ymddiriedolaeth Elusennol ar gyfer ystyriaeth a sgrwtini pellach.
- Mewn ymateb i gwestiwn gan Aelod, cadarnhaodd yr Uwch Ymgynghorydd Cyllid bod gwaith ynglŷn â'r Uned Cynnal a Chadw Adeiladau (BMU), yn parhau a bod y Pennaeth Gwasanaeth Tai mewn trafodaethau ynglŷn â moderneiddio'r Uned. Mae'r Pwyllgor Archwilio wedi derbyn adroddiadau mewn perthynas â'r Uned Gynnal a Chadw yn dilyn adolygiad gan Swyddfa Archwilio Cymru o drefniadau darparu gwasanaeth yr Uned, a hefyd yn dilyn adolygiad archwilio mewnol o drefniadau caffael yr Uned. Mae Archwilio Mewnol yn gwneud gwaith pellach a dargedwyd mewn perthynas â'r mater hwn.

CAMAU GWEITHREDU YN CODI: Gofyn i'r Pennaeth Gwasanaeth Tai adrodd yn ôl i'r Pwyllgor yn ei gyfarfod nesaf ar y cynnydd gyda mynd i'r afael â materion llywodraethu yng nghyswllt yr uned Cynnal a Chadw Adeiladau.

- Gyda chaniatâd y Pwyllgor, cyflwynwyd Cynllun Gweithredu Llywodraethu/Rheoli Gwybodaeth er ystyriaeth gychwynol yr Aelodau yn unol â phenderfyniad y Pwyllgor yn ei gyfarfod blaenorol ei fod yn derbyn atborth gan y Grŵp Rheoli Gwybodaeth.

CAMAU GWEITHREDU YN CODI: Y Pennaeth Swyddogaeth (Adnoddau) i roi diweddariad i'r Pwyllgor Archwilio yn ei gyfarfod nesaf ar y cynnydd gyda rhoi'r Cynllun Gweithredu Llywodraethu/Rheoli Gwybodaeth ar waith ag unrhyw faterion eraill oedd yn codi ynglŷn â hynny.

3 COFRESTR RISG CORFFORAETHOL

Cyflwynwyd i ystyriaeth y Pwyllgor adroddiad gan y Pennaeth Swyddogaeth (Adnoddau) yn crynhoi'r cynnydd a wnaed gyda gweithredu'r Fframwaith Rheoleiddio Risg ynghyd â Chofrestr Risg Gorfforaethol newydd fel Atodiad A i'r adroddiad.

Roedd yr Uwch Ymgynghorydd Ariannol am atgoffa'r Pwyllgor bod y Strategaeth Rheoli Risg a'r Cyfarwyddyd wedi eu cymeradwyo a bod hyfforddiant ar y testun wedi ei ddarparu ac mai'r unig agwedd oedd yn parhau ar ôl oedd darparu diweddariad i'r Gofrestr Risg. Roedd yr adroddiad yn amlinellu'r gwaith a wnaed hyd yn hyn yn cynnwys adolygiad gan Dim Uwch Arweinyddiaeth yr Awdurdod o ddiffiniadau'r risg, sbardunau a lefelau risg a hefyd nodi'r pum prif risg oedd yn wynebu'r Cyngor fel oedd i'w weld ym mharagraff 3.3 yr adroddiad. Roedd y Gofrestr Risg Gorfforaethol yn nodi nifer o feysydd risg eraill yn ychwanegol i'r pump uchaf a bydd y matrices yn cael ei gwblhau unwaith y bydd y mesurau rheoli ychwanegol/triniaethau sydd eu hangen o ran gweithredu, swyddog(ion) cyfrifol a dyddiad targed wedi eu penderfynu a'u diffinio. Cadarnhaodd y Pennaeth Swyddogaeth (Adnoddau) y byddai diweddariad pellach yn cael ei ddarparu i'r cyfarfod nesaf o'r Pwyllgor Archwilio.

Ystyriodd Aelodau'r Pwyllgor gynnwys yr adroddiad a'r Gofrestr Risg Gorfforaethol oedd ynghyd ag ef a gwnaethpwyd sylwadau ar y materion canlynol a/neu ceisiwyd cael eglurhad pellach –

- Y meini prawf a ddefnyddiwyd i benderfynu beth oedd pum prif risg y Cyngor.
- A oedd yn cael ei ystyried bod risg YM36 oedd yn cael ei diffinio fel methiant i gynllunio ar gyfer effaith diwygio'r sector iechyd wedi ei gyfyngu yn bennaf i'r Gwasanaethau Cymdeithasol neu a fyddai ei effaith yn fwy eang ar draws gwasanaethau'r Cyngor.
- Y sail dros beidio cynnwys risg YM23 (methiant i weithredu cynnwys y cynllun arolygu ôl Estyn a gwella perfformiad yn erbyn dangosyddion allweddol), fel un o brif risgiau'r Cyngor o ystyried termau disgrifio canlyniad y methiant hwn yn y Gofrestr Risg. Roedd teimlad bod peidio â chynnwys y risg hon ymysg y pump uchaf yn tynnu'n groes i'r hyn oedd yn cael ei ddweud yn y Gofrestr ynglŷn â difrifoldeb y canlyniadau.
- Ategwyd mai canlyniad nifer o'r meysydd risg fyddai'r posibilrwydd o niweidio enw da. Awgrymwyd bod y potential o weld niwed i enw da ymhlyg ym mhopeth ac nid oes angen ei ailddweud ac yn fwy na hynny, fe ymddengys fod y cyfeiriadau yn rhai ar hap. Awgrymwyd bod angen lleihau'r cyfeiriadau at niwed i enw da o fewn y Gofrestr.

Ymatebodd y Swyddogion i'r cwestiynau a ofynnwyd trwy gynnig esboniadau fel oedd yn briodol.

Penderfynwyd derbyn yr adroddiad a'r Gofrestr Risg Gorfforaethol oedd ynghyd ag ef ac i nodi eu cynnwys.

CAMAU GWEITHREDU YN CODI

- **Y Pennaeth Swyddogaeth (Adnoddau) i gynnwys diweddariad ar y Gofrestr Risg Gorfforaethol fel eitem sefydlog ar raglen y Pwyllgor Archwilio ynghyd â chofnodion y Grŵp Rheoli Risg lle byddai hynny yn briodol.**
- **Y Pennaeth Swyddogaeth (Adnoddau) i godi'r pwyntiau canlynol gyda'r Tîm Uwch Arweinyddiaeth:**

- Y methiant i gynnwys YM23 fel un o'r pum prif risg gorfforaethol fel rhywbeth oedd yn anghymarus gyda'r lefel risg a'r canlyniadau oedd yn cael eu disgrifio.
- Lleihau'r cyfeiriadau at niwed i enw da'r Cyngor o fewn y Gofrestr Risg Gorfforaethol.
- Y Rheolwr Archwilio i drefnu i'r Pwyllgor dderbyn y Cynllun Gweithredu Datganiad Llywodraethu Blynyddol maes o law.

4 ARCHWILIO ALLANOL - DIWEDDARIAD AR RAGLEN WAITH PERFFORMIAD

Rhoddodd Mr Andy Bruce, Arweinydd Archwilio Perfformiad, Swyddfa Archwilio Cymru, ddiweddariad i'r Pwyllgor ar statws y gwaith a ddechreuwyd o dan y Rhaglen Waith Perfformiad fel oedd i'w weld yn yr adroddiad yn 4 ynghyd â chrynodeb ar ffurf tabl o'r gwaith oedd yn parhau a'r prosiectau a gynlluniwyd ar sail genedlaethol ac yn ymwneud a'r holl Gyngorau a hefyd ar sail Ynys Môn fel oedd i'w weld yn yr adroddiad yn eitem 5. Cyfeiriodd y Swyddog at yr Adolygiad Llywodraethu Corfforaethol oedd yn digwydd ym mhob awdurdod unigol yng Nghymru ac a fydd yn eitem newydd i'r rhaglen fydd yn digwydd bob 4 blynedd. Ni chafwyd y manylion ynglyn â pha bryd y bydd yr adolygiad Llywodraethu Corfforaethol yn cael ei gynnal ym Môn er nad oes disgwyl y bydd yr Awdurdod yn destun adolygiad ym Mlwyddyn 1.

Ystyriodd y Pwyllgor y wybodaeth oedd wedi ei chyflwyno a chafwyd trafodaeth ar y rhestr Adolygu Llywodraethu Corfforaethol o safbwynt lle mae Ynys Môn yn debygol o ffitio i mewn i'r cylch a hefyd ynglyn â gweithredu'r Cynllun Gweithredu Archwilio ôl Estyn o ran ceisio cael eglurhad o sut mae'r Bwrdd Adfer Addysg yn cysylltu i mewn i'r rhaglen reoleiddio.

Penderfynwyd nodi'r wybodaeth a ddarparwyd yn yr adroddiadau yn 4 a 5.

5 ARCHWILIO ALLANOL - DIWEDDARIAD AR GYNLLUN GWAITH AC AMSERLEN

Gweler eitem 4.

6 ARCHWILIO ALLANOL - DIWEDDARIAD AR WAITH ARCHWILIO CYLLIDOL

Cafwyd diweddariad gan Mr James Quance, PwC ar y cynnydd gyda'r archwilio ariannol yn erbyn y cerrig milltir allweddol yn Amlinelliad Archwilio Ariannol 2012/13 ac yng nghyswllt gwaith ardystio grantiau am 2010/11 a 2011/12. Roedd yr adroddiad yn nodi'r llinell amser ar gyfer cyfnodau allweddol y broses Archwilio Cyfrifon 2012/13, sefyllfa gydag ardystio datganiad cyfrifon 2011/12 yn ogystal â hawliadau grant a hefyd y trefniadau cysylltu gydag Archwilio mewnol, Rheolwyr a Swyddfa Archwilio Cymru.

Penderfynwyd derbyn yr adroddiad a nodi ei gynnwys.

7 ARCHWILIO ALLANOL - AMLINELLIAD O ARCHWILIAD ARIANNOL BLYNYDDOL

Cyflwynodd Mrs Lynn Pamment, Swyddog Ymgysylltiad, PwC yr amlinelliad Archwilio Ariannol Blynyddol i'r Pwyllgor ar gyfer blwyddyn archwilio 2012/13. Roedd yr adroddiad yn nodi'r cyfrifoldebau archwilio o dan y ddeddfwriaeth a rheoliadau perthnasol, yr agwedd archwilio a gymerir tuag at y gwaith o archwilio'r datganiadau ariannol; y prif risgiau ariannol a gweithredol a wynebir gan yr Awdurdod ac a allai gael effaith ar yr archwiliad fel oedd i'w weld o dan Arddangosyn 1; cyfrifoldebau'r archwiliwr o safbwynt gwerthuso trefniadau'r Awdurdod i sicrhau economi, effeithlonrwydd ac effeithiolrwydd yn ei ddefnydd o adnoddau a hefyd ffi y gwaith archwilio a'r hyn oedd yn dod o fewn y gwaith hwnnw.

Ystyriodd Aelodau'r Pwyllgor gynnwys yr adroddiad ag fe ofynnwyd y cwestiynau canlynol a chafwyd ymatebion a manylion pellach gan y Swyddogion.

- Y cysyniad o berthnasedd a sut y deuir i gasgliad am yr hyn a olygir trwy hynny.
- A oedd asesiad yr Archwilydd o drefniadau'r Awdurdod ar gyfer sicrhau economi, effeithlonrwydd ac effeithiolrwydd yn ei ddefnydd o adnoddau wedi ei gyfyngu i archwilio'r gweithdrefnau neu a oedd yn cynnwys agwedd yr Awdurdod tuag at nodi a sicrhau arbedion a'r cyd-destun corfforaethol cyffredinol y gellir cynhyrchu arbedion o 'i fewn.

- Ffyrdd y gall yr Awdurdod liniaru'r risgiau wrth weithredu'r sustemau newydd.

Penderfynwyd derbyn yr adroddiad a nodi ei gynnwys.

8 ARCHWILIO ALLANOL - LLYTHYR ASESIAD GWELLA

Cyflwynodd Mr Andy Bruce, Arweinydd Archwilio Perfformiad, Swyddfa Archwilio Cymru Lythyr Asesiad Gwella yr Archwilydd Cyffredinol (2) oedd yn crynhoi'r gwaith yng nghyswllt adrodd ar welliannau o dan Fesur Llywodraeth Leol (Cymru) 2009 ac yn benodol ganlyniad yr archwiliad a'r gwaith asesu i nodi a oedd Cyngor Sir Ynys Môn wedi cyflawni ei ddyletswyddau ac wedi bodloni gofynion y Mesur, pa mor ddibynadwy oedd ei hunan-arfarnu ac unrhyw gynigion pellach i wella ac/neu argymhellion.

Dywedodd Mr Andy Bruce wrth y Pwyllgor bod yr Archwilydd Cyffredinol wedi dod i'r farn bod y Cyngor wedi cydymffurfio yn llawn gyda'i ddyletswyddau adrodd am wella o dan y Mesur ond y gallai cynnwys a strwythur Adroddiad Perfformiad y Cyngor 2011/12 gynnwys mwy o wybodaeth ansoddol er mwyn darparu sail tystiolaeth fwy cyflawn i alluogi'r Cyngor asesu ei berfformiad. Wrth ymhelaethu ar y casgliadau y daethpwyd iddynt cyfeiriodd at y pwynt eglurhaol ar dudalen 2 y Llythyr oedd yn dangos y ffyrdd yr oedd yr Adroddiad yn bodloni'r holl elfennau oedd eu hangen. Roedd tudalen 3 y Llythyr yn egluro ym mha ffyrdd y gallai cynnwys a strwythur yr Adroddiad Gwella Perfformiad gynnwys mwy o wybodaeth ansoddol i ddarparu sail tystiolaeth fwy cyflawn. Mae'r Archwilydd Cyffredinol yn cynnwys dau gynnig i wella mewn perthynas â sicrhau cysondeb ar draws gwasanaethau yn ansawdd yr hunan-arfarnu a gyda sicrhau gwell rheolaeth olygyddol ar yr adroddiad.

Dywedodd y Swyddog bod adroddiad perfformiad y Cyngor yn gyffredinol am 2011/12 yn un gadarnhaol ac yn ddarn o waith calonogol iawn.

Penderfynwyd derbyn y Llythyr Asesu a nodi ei gynnwys.

9 ARCHWILIO MEWNOL

Cyflwynodd y Rheolwr Archwilio er ystyriaeth y Cyngor adroddiad cynnydd ar waith yr Adain Archwilio Mewnol am y cyfnod o 1 Ebrill i 31 Rhagfyr 2012.

Roedd y Rheolwr Archwilio am amlygu'r pwyntiau allweddol canlynol o'r adroddiad –

- Ni fu unrhyw adolygiadau yn y cyfnod lle cafwyd barn Sicrwydd Coch.
- Roedd y canfyddiadau allweddol o'r tri adroddiad adolygu archwilio a ryddhawyd i'w gweld yn adran 2.2 yr adroddiad.
- Roedd perfformiad o ran cyfartaledd y Cynllun Archwilio a gwblhawyd i fyny o 46% i 53% ond mae'n parhau i fod lawer yn is na'r targed o 90%. Un ffactor sy'n cyfrannu at hyn yw'r un ar ddeg o atgyfeiriadau a gwblhawyd ac yr adroddwyd arnynt yn y cyfnod ac sydd wedi dargyfeirio adnoddau oddi wrth waith archwilio mewnol a gynlluniwyd.
- Mae'r perfformiad yn gweithredu ar argymhellion yn y cyfnod yn parhau yn is na'r targed gyda 68% o argymhellion Uchel a Chanolog wedi eu cofnodi fel rhai y gweithredwyd arnynt. Roedd y dadansoddiad o'r argymhellion a gyflawnwyd gan y gwasanaethau i'w weld yn Atodiad A yr adroddiad.

Ystyriodd yr Aelodau yr adroddiad a gofynnwyd i'r Swyddog egluro rhai pwyntiau ynglyn â'r trefniadau ar gyfer sgriwneiddio taliadau uniongyrchol y Gwasanaethau Cymdeithasol mewn ffyrdd ar wahân i archwilio mewnol, a hefyd ynghylch materion llywodraethu a rheoli o fewn ysgolion a gofynnwyd a oedd unrhyw ystyriaeth wedi ei roi i gyflogi person i gadw llyfr ac i ddarparu cymorth peripatetig i ysgolion yn hyn o beth. Ymatebodd y Swyddogion i'r pwyntiau a wnaed.

Penderfynwyd derbyn yr adroddiad cynnydd a nodi ei gynnwys.

10 GWELLA'R PWYLLGOR ARCHWILIO

Cyflwynodd y Rheolwr Archwilio er ystyriaeth y Pwyllgor, adroddiad yn manylu ar ganlyniad yr Hunanasesiad Effeithlonrwydd 2013 (Atodiad B i'r adroddiad) ynghyd a Chynllun Gweithredu Gwella ar gyfer 2013/14 (Atodiad C i'r adroddiad).

Tynnodd y Rheolwr Archwilio sylw at y prif ystyriaethau a ganlyn o'r adroddiad –

- Meysydd gwella a nodwyd yng ngweithdy Ionawr 2013 i Aelodau'r Pwyllgor Archwilio yn cynnwys gwella hyfforddiant anwytho a dadansoddiad o anghenion hyfforddiant unigol i Aelodau; eglurhad o rolau'r Pwyllgorau Archwilio a Sgriwtini mewn perthynas â rheoli risg, mabwysiadu canllawiau Atal Twyll a Llygredd, gwell cyswllt mewn perthynas â chynllunio a pherfformiad Archwilio Allanol.
- Trefniadau Atal Twyll - mae angen gweithredu er mwyn i'r Pwyllgor gael sicrwydd bod trefniadau atal twyll cyfredol y Cyngor yn effeithiol ac yn cael eu gweithredu yn unol â chyfarwyddwyd CIPFA - Rheoli'r Risg o Dwyll - Camau i Atal Twyll a Llygredd. Argymhellir cynnal Sesiwn Ymwybyddiaeth Twyll i Aelodau'r Pwyllgor er mwyn iddynt dderbyn gwybodaeth am y trefniadau a'r materion cyfredol yn ogystal â chael gwybod beth yw anghenion cyfarwyddwyd CIPFA.

Ystyriodd yr Aelodau yr adroddiad ac fe wnaed y pwynt y dylai'r Pwyllgor Archwilio, yn ogystal â chynnal hunanasesiad blynyddol, ystyried dulliau o sicrhau barn allanol ar ei berfformiad a'i effeithlonrwydd fel Pwyllgor.

Penderfynwyd –

- **Cymeradwyo canlyniad yr hunanasesiad a wnaed o effeithlonrwydd y Pwyllgor ynghyd â'r Cynllun Gweithredu Gwella fel oedd i'w weld yn Atodiad C.**
- **Bod y sesiynau hyfforddi ymwybyddiaeth twyll yn cael eu cynnwys yn rhestr hyfforddiant y Pwyllgor ar gyfer 2013/14 er mwyn rhoi gwybodaeth am effeithlonrwydd trefniadau cyfredol y Cyngor i Atal Twyll a Llygredd.**
- **Bod hunanasesiad newydd ar effeithlonrwydd y Pwyllgor yn cael ei gynnwys yn ei gynllun gweithredu ar gyfer 2013/14 ac ychwanegu y dylid cael darpariaeth yn cael ei wneud i sicrhau y gellid cael barn allanol.**

PWYNTIAU GWEITHREDU YN CODI :

- **Y Rheolwr Archwilio i wneud trefniadau ar gyfer sesiwn hyfforddi ymwybyddiaeth twyll i'r Pwyllgor yn y dyfodol fel rhan o'i Raglen Hyfforddi 2013/14.**
- **Y Rheolwr Archwilio i gymryd camau i gynnwys o fewn cynllun gwaith y Pwyllgor hunanasesiad newydd ar effeithlonrwydd y Pwyllgor.**
- **Y Rheolwr Archwilio i ymgynghori gyda RSM Tenon gyda golwg ar ddwyn yn ol i'r Pwyllgor opsiynau i gael agwedd allanol ar berfformiad ag effeithlonrwydd y Pwyllgor.**

11 ADRODDIAD BLYNYDDOL Y PWYLLGOR ARCHWILIO 2012/13

Cyflwynodd y Cadeirydd Adroddiad Blynyddol y Pwyllgor Archwilio ar gyfer blwyddyn ddinesig 2012/13. Roedd yr adroddiad yn rhoi crynodeb o waith a gweithgareddau'r Pwyllgor Archwilio yn ystod y flwyddyn yn cynnwys y cyfarfodydd a gynhaliwyd a'r presenoldeb ynddynt; y meysydd/materion allweddol yr ymdriniwyd â hwy a'r hyfforddiant a drefnwyd ac a ddarparwyd.

Ceisiodd y Cadeirydd gael cymeradwyaeth y Pwyllgor i gynnwys, fel rhan o'r Adroddiad Blynyddol, gofnod presenoldeb yr Aelodau yn y cyfarfodydd o'r Pwyllgor ac mewn digwyddiadau hyfforddi yn ystod y flwyddyn. Roedd yr Aelodau yn gefnogol i gynnwys manylion am bresenoldeb yr Aelodau fel elfen yn yr adroddiad ac fel arfer dda gyda'r amod bod y rhestr presenoldeb hyfforddi yn Atodiad B

yn cael ei diwygio i ddangos bod y Cynghorydd Alun Mummery yn bresennol yn y sesiwn ar 16 Hydref 2012.

Penderfynwyd cymeradwyo'r Adroddiad Blynyddol 2012/13 i'w chyflwyno i'r Cyngor Sir yn ei gyfarfod ym Mai, 2013, gyda'r gwelliant a nodwyd.

CAMAU GWEITHREDU YN CODI :

- **Rheolwr Archwilio i newid y rhestr presenoldeb mewn cyrsiau hyfforddi yn Atodiad B i adlewyrchu bod y Cynghorydd Alun Mummery yn bresennol yn y sesiwn ar 16 Hydref 2012.**
- **Rheolwr Archwilio i wneud y trefniadau angenrheidiol i gyflwyno'r Adroddiad Blynyddol i'r Cyngor Llawn ym mis Mai.**

12 RHEOLI TRYSORLYS

12.1 Cyflwynwyd adroddiad Rheoli Trysorlys am y Trydydd Chwarter o flwyddyn ariannol 2012/13 er ystyriaeth y Pwyllgor. Roedd yr adroddiad yn rhoi diweddariad i'r Aelodau ar weithgareddau rheoli trysorlys yn Chwarter 3 o fewn cyd-destun y cefndir a'r rhagolygon economaidd ehangach.

Cyfeiriodd y Pennaeth Gwasanaeth (Cyllid) at y sefyllfa mewn perthynas â gweithgareddau benthycu'r Awdurdod a'i bortffolio buddsoddiadau gan gyfeirio yn arbennig at ailfuddsoddi gyda RBS ar aeddfedu yn ystod y chwarter, buddsoddiad tymor penodol o £5m am 364 diwrnod ar raddfa o 1.58%. Ni wnaed unrhyw fuddsoddiadau tymor sefydlog eraill nac unrhyw fenthyca newydd nac aildrefnu dyled. Dywedodd y Swyddog bod y Cyngor yn ystod y chwarter wedi parhau o fewn ei Gyfyngiadau Pwyllgor a Thrysorlys fel oeddent wedi eu nodi yn Atodiad 2 yr adroddiad. Roedd y cynlluniau ar gyfer gweddi y flwyddyn wedi eu hamlinellu o dan baragraff 7 yr adroddiad.

Penderfynwyd derbyn yr adroddiad a nodi ei gynnwys

12.2 Cyflwynwyd Datganiad Strategaeth Rheoli Trysorlys 2013/14 i'r Pwyllgor ei ystyried fel rhan o'r ymgynghori ar faterion cyllideb cyn ei gyflwyno i'r Pwyllgor Gwaith. Roedd y strategaeth ar gyfer 2013/14 yn delio a dau brif faes, sef materion cyfalaf a materion rheoli trysorlys yn cynnwys ymysg agweddau eraill, y strategaeth fenthyca, strategaeth fuddsoddi ac aildrefnu dyled.

Tynnodd y Pennaeth Gwasanaeth (Cyllid) sylw arbennig at y materion a ganlyn –

- Y Polisi Buddsoddi fel oedd i'w weld o dan adran 4.2 yr adroddiad yn cynnwys darpariaeth fel oedd wedi ei amlygu oedd yn caniatáu i'r Awdurdod lle bo hynny'n briodol, fuddsoddi neu i roi arian ar adneu mewn undeb credyd neu debyg i bwrras darparu ei wasanaeth gyda'r nod pan fyddai'r newidiadau diwygio lles arfaethedig yn cael eu gweithredu y bydd yna ar gael i'r rhai a effeithir gan y newidiadau, ffynhonnell ddiogel a heb fod yn ddud o fenthyca arian. Tra roedd hyn yn bosiblwydd ar hyn o bryd roedd y strategaeth wedi ei haddasu fel oedd wedi ei amlinellu mewn termau amhenodol yng nghyswllt gwrthbartion, er mwyn caniatáu i hyn ddigwydd.
- Atodiad 5 - Y Rhestr Fenthyca Gymeradwy yn ol Credyd. Bydd angen diwygio Adran 4.1 (buddsoddiadau penodol) i egluro bod Banciau'r DU sydd wedi eu cenedlaetholi neu led genedlaetholi y tu allan i'r meini prawf penodol, ac mai eu statws o fod wedi eu gwladoli neu eu gwladoli'n rhaddol sy'n rhoi eu sgôr credyd.
- Cynllun Morgais yr Awdurdod Lleol lle mae'r Awdurdod yn ystyried cymryd rhan. Pe bai hyn yn digwydd, byddai angen diwygio'r Strategaeth i nodi hynny.

Rhoddyd cyfle i'r Aelodau ofyn cwestiynau a cheisio cael eglurhad ar unrhyw agweddau o'r Datganiad Strategaeth Rheoli Trysorlys.

Penderfynwyd derbyn y Datganiad Strategaeth Rheoli Trysorlys am 2013/14 a nodi ei chynnwys.

CAMAU GWEITHREDU YN CODI : Y Pennaeth Gwasanaeth (Cyllid) i ddiwygio Atodiad 5 y Datganiad Strategaeth Rheoli Trysorlys fel a amlinellwyd, cyn ei gyflwyno i'r Pwyllgor Gwaith.

**Y Cynghorydd Tom Jones
Cadeirydd**